

I. N. D.

DISSERTATIO
DE

DEFECTU VIRIUM
HUMANARUM
IN REBUS VERAM HOMI-
NIS FELICITATEM
CONCERNENTIBUS.

QVAM

Suffrag. Amplissim. Facultat. Philosoph.

In Reg. Acad. Aboensi,

Publico examini submittunt,

AUCTOR

HENRIC. GUSTAV.
BORENİUS,

Phil. Mag. & V. D. M.

ET

RESPONDENS

HERMANNUS WEGELIUS,

Tavastensis.

In AUDITORIO MAJORI die V. April.

An. MDCCCLXXV.

Horis ante meridiem consuetis.

ÅBÆ. Impress. JOHAN. CHRISTOPH. FRENCKELL.

Veritas cum sit clarior, quam ut in dubium vocari debeat, Deum in nominis sui gloriam, liberrimum pariter ac sapientissimum creationis opus adornasse, atque instruxisse; hominem quidem quadam in re a se independentem condere non potuit. Hæc autem dependentia hominis tanquam creaturæ ratione atque facultate libere agendi præditæ, quid involvit, nisi quod Deo ccretori subjectus, præcepta illius sarta teataque habeat: hoc est, pro maximis beneficiis maximas nunquam non agat gratias; eoque modo in gratuita cum summo bono consistens unione, se omnibus vitæ partibus integrum conspiciat. Hanc veritatem, de qua addubitate turpissimum est, quotquot agnoverunt, jam hominis status mutationem in deteriorem factam, non modo non negare, sed etjam semper recordari & aperte atque ingenuæ confiteri necesse habuerunt. Eleganter proinde seneca: *Inter cetera mortalitatis incommoda hæc est calligo mentium; nec tantum neceſſitatis errandi sed errorum amor.* (a) Quanquam vero hoc ita sit, obligatio tamen hominis ad verum Dei cultum religionisque sanctitatem, inviolata remanet; eamque non prius desitaram, quam ratione etjam existentiæ nefessiorumque vitæ, sui a Deo dependentiam tollere, Divinumque illud altri-

butum

butum independentiæ sibi vindicare valeat, per se
clarum est. Hisce penitatis, hominem peccatis a
Deo separatum, in extremum venisse discrimen con-
stat; est quippe poena induitus peccati ejus comes.
Et cum æternus sit ille supremus legislator, & nul-
læ mutationi obnoxius, in æternum quoque pæ-
nas violatæ legis gravissimas repetet, nisi ejusmodi
aliquando existat conditionis humanæ mutatio, quam
respiciens posset miserum in gratiam recipere, fir-
missimaque sua benevolentia munire. Hostia autem
ipsa, quam hic respiceret Deus, & qua placari pos-
set, nulla nisi plena est satisfactio, vitæ emendatio-
ne conjuncta. Tentet autem homo omnia, pericli-
tetur omnia, omnes denique vias persequatur, qui-
bus putaret ad id quod diximus prævenire posse, ta-
men ne minimum quidem in hisce rebus, veram
eius felicitatem concernentibus, illum proficere, ex
iis quæ in seqventibus demonstraturi sumus, bene
volo lectori constabit.

(a) Lib. 2. de ira, cap. 9.

§. II.

Si quid autem sit virium penes hominem, quo
in spem salutis recuperandæ adduci videretur; ad
illam quidem vel agendo vel patiendo ipsi patebit
aditus. Dispiciendum igitur an agendo ipse saluti
sibi esse poterit. Legem Dei illam esse novimus
normam, ad quam non solum omnia dicta & facta
sunt dirigenda, sed cogitata quoque omnia, omnes

denique motus atque affectus cordis attemperanda:
 Verum enim vero impletionem legis, quæ tam ex-
 actam requirit obedientiam, ob virium humanarum
 defectum, onus esse ætna gravius, experientia e-
 docti, omnes uno testantur ore. Quamquam enim
 multis gentilium, emendatio naturæ, res omnino
 digna videbatur, in qua obtainenda omnes nervos
 ingenii industriæque contenderent, cum non tan-
 tum occasiones peccandi evitarent, sed etiam sæpe
 ab usu vitæ necessariorum abstinerent, ut alia eorum
 virtutis præcepta, graviaque instituta, non comme-
 morem; hic tamen omnis eorum labor optato de-
 stituebatur successu, cum nihilo feciis necesse sem-
 per haberent illud Medeæ ingeminare: video melio-
 ra proboque, deteriora sequor. Senecam quoque hac
 de re testimonium perhibentem audire lubet, ita
 vero Ille: *Peccavimus omnes: alii gravia, alii levio-*
ra, alii ex destinato, alii forte impulsi, aut aliena ne-
quitia ablati: Alii in bonis consiliis parum fortiter ste-
timus, & innocentiam inviti ac renitentes perdidimus;
nec delinquimus tamum sed usque ad axtremum ævi
delinquemus. (a) Verum esto, quendam Herculis e-
 xantlatis æruinnis, ad eum innocentiae fastigium per-
 venire, ut se ab omni, non modo facinore, verum
 etiam minimi errati suspicione, remotissimum con-
 fiteri audeat; numquid hac inductus ratione, se fe-
 licem, Deoque acceptum prædicabit? Certum qui-
 dem est, illum eo in gradu constitutum, peccare
 desisse; verum enim vero numerum non augendo
 ante actorum peccatorum, veniam se consecuturum,
 quis

quis temere dixerit? Et is demum quantum sit foliatum omni in posterum vacare culpa perfentisicit, quem peccata præteritis admissa temporibus nunquam remordent. Neque vero est, quod credat Deum eorum gratiam facturum operibus sic dictis supererogationis, quorum lex mentionem facit nullam; est quippe evictum hominem illis partibus, quas officii nomine sibi injunctas novit, exsequendis minime esse parem; atque hinc necessaria efficitur conclusione, illius nominis opera non nisi facta esse atque commentitia. Et si vel maxime hæc, quæ fieri nego posse, concederem; bonorum tamen operum in numerum, ea referenda esse non judicarem. Quid enim veri boni humano ingenio excogitari potest, quod in optima Divina bonitate, lege manifestata, suum non agnoscat fundamentum? Neque enim vero hominis bona opera, majora esse Dei bonitate possunt.

(a) De clementia lib. I. c. 6.

§. III.

Hicce tali modo evictis, necesse quoque est, ut eorum occurramus objectionibus, qui dicunt Deum nulla intercedente satisfactione, sola poenitentia commotum, ut jus gratiæ cedat permettere, quandoquidem & ter optimus sit, adeo ut & Plato eum ^{τελεόντα} ^{τελεόντα} (a) sensu eminentissimo vocet. Res quidem est clarior, quam ut dissimulari possit, homines ita esse natura comparatos, ut necessitate urgente ad poeniten-

tiam ceu aram confugiant. Hinc quoque est, quod de gentilibus quibusdam legatur, illos in magnum vitæ discrimen adductus, clamasse unum quemque ad Deum suum. (b) Quo loco autem pœnitentia naturalis ponenda, eluceat consideranti illam non nisi peccati esse agnitionem, sensumque quendam misericordiæ, e peccato emanantis. Peccator abjicit se atque prosternit, sortem suam lacrimatur, ad Deum supplices tendit manus; quid vero hoc ipso agit, nisi quod Dei in gloriam, illum supremum esse Dominum, sibi vero peccato obnoxio, justas pœnas subeundas agnoscit. Quippe nec inficias ire potest, se sua ex parte, peccando in Deum fuisse injuriosum; hinc illum quoque, quæ suarum sunt partium, in defendenda nominis sui gloria, susque deque non habiturum, necesse est concedat. Si vero hisce penitatis, pœnitentiam potius passionibus, quam actionibus, annumerare placuerit, jam quantum illud pati, heic loci habeat momenti, erit dijudicandum.

(a) Lib. 6. de republica (b) Jon. 1: 5.

§. IV.

Hominis quidem non repugnat naturæ, violati Divini juris vindictam, perpeti atque perferre; ast quod probe tenendum non minori temporis intervallo, quam ipsa, est æternitas. Etenim ut Deus sine satisfactione pro peccatis & corruptæ naturæ emendatione, cum mortalibus in gratiam redeat, salva ejus justitia fieri non potest; & itidem si quod res

res est dicere volumus, a bonitate illius discrepat; quæ nequaquam in puris atque a peccati sordibus non purgatis, benigne se potest communicare, quandoquidem ut res loquitus ipsa, bonitati summæ, quædam cum malis non poterit æquitatis esse communitas. Præterea si homini pœnam subituro, ipsa immensa æternitas non esset dimetienda, illum sub ipsis perpessionibus oporteret legi in omnibus obtemperare, adeo ut ne minimum quidem, vel cogitatis, vel dictis, vel factis, ab illa recederet; culpam enim continuis peccatis augendo, continuam illius reposceret ultiōrem. Si quis vero rerum humanarum plane non est ignarus, illum certe iudicatu illi erit facillimum, nullam cum lege conformitatem, hoc in statu esse exspectandam. Deo enim ejusque fruitioni privati, quomodo possint fiduciam in eo collocare omnem, eoque tanquam summo bono delectari? Quomodo vindictam ejus commeritam sentientes, illum supra omnia amare, religioneque sanctissima, quæ creatori atque summo benefactor nunquam non debetur, colere valeant?

§. V.

Jam autem instituti ratio, nos deducit ad considerationem eo intendendam, utrum homo perspicere mentis acie valeat, extra se ipsum viam ad unionem cum Deo redeundi, an secus. Atqui vero hic de possibilitate primum nobis erit sermo, cum in omni causarum genere locum habeat in duratio. Homo

mo quidem sibi relictus juxta se alias creaturas videt immo quoque Deum novit existere. *Quæ enim est gens, ait Cicero, aut quod genus hominum quod non habet at sine Doctrina anticipationem quandam Deorum.* (a) Hisce vero ex fontibus, si desideratum emanare possit solatium, Deus omnipotens sua, aut coget quamcumque creaturarum, ad satisfaciendum quo peccatis hominum, aut ipse erit reconciliator. Non illud, quia ultra suum posse nemo obligatur; neque vero hoc, nam quantum ratio sibi relictæ perspicit, contradictionum est, statuere Deum a peccatoribus offensum, esse illorum reconciliatorem. Revelationis qui participes facti sunt Divinæ, de lumine in his rebus supernaturali, sibi gratulari possunt; de ceteris autem valet apostolicum illud dictum: *Quomodo credant, de quo non audiverint? quomodo autem audient absque predicante?* (c) Hinc patet ne utilitatem quidem ac necessitatem Divini auxilii in mentem homini sibi relicto venire posse. Ut autem hæc quæ asserta sunt, fundamentis nisi immotæ veritatis demonstremus, jam ab objectionibus dissentientium illa sarta tectaque servare, operæ erit pretium.

(a) *De natura Deorum Lib. I. c. 26.* (b) *Rom. 10. 10,*

§. VI.

In primis attendisse hic juvat, vindictam Dei non ut vulgo quidem existimatur, obvenire miseris mortalibus adeo exactam atque horribilem, ut non possint non illam, instar gravissimi mali aversari, veram-

veramque illam evitandi viam anquirere. Vivam atque sufficientem peccati cognitionem, lege quidem adductum. S: r. L: x exitari docent Theologi, non tamen lege sola, verum evangelii luce collustrata, causam interferentes, apistiæ sive incredulitatis, qua Christus ejusque meritum negligitur, homines reos alia conditione, agi non posse. Si autem confitendum quoque esset, legem naturalem vivæ peccati cognitioni, licet minime gentium exactæ atque sufficienti efficiendæ, satis habere virium; tantum tamen abest, ut temere dicam, quendam miseriæ sensu affectum, Divinam satisfactionem quærere, ut potius contendam, illum solitis hoc est spuriis reconciliandi rationibus, animum turbulentum sedare conaturum; aut si horum quoque ineptitudinum explorare valeret, plane in desperationem esse prolapsurum. Aliter certe rem concipere non possumus. Et si hunc admiserimus casum, nullas quidem video rationes, quibus permotus crederem Ethnicum, perditæ sui status consciūm, adhuc spem concipere posse, fore, ut mutationem quandam in melius conditio illius admitteret, si e. g. perigrinationes salutis suæ promovendæ gratia susciperet. Certe hujus modi actio pro indicio desperationis neutiquam esset habenda; & quidquid sit desperantem esse ineptissimum, ad revelationes varias inter se conferendas, nec non ad unicam veram ex mille falsis eligendam, nemo rerum humanarum vel mediocriter gnarus, in dubium vocare audebit. Neque vero est quod existimes, tempus quo jam quadante-

nus, licet non adhuc exacte, sensu labis adhærentis tangatur, peregrinationibus esse accommodatissimum; quippe quod novimus eum utcunque peccatum cognoscentem, sub servitute illius esse constitutum, adeo ut nolentem volentem, in suas trahat partes. Qualis itaque & quam felix ille esset perigrinator, quem in itinere constitutum audiremus canentem, video meliora proboque, deteriora sequor. Impedimentum quod ex naturali, justitiæ propriæ studio, originem dicit, illud certe ipsum majoris hic est momenti, quam quis primo aspectu crederet. Est hoc malum omnium cordibus alte infixum, vique hujus homo mavult aliquid in sui reconciliationem valere, quam de se ipso desperans, immeritam gratiam, quamvis oblatam recipere, nedum ut remotam quererere. Hinc tot apud gentes Sacraenta, tot concilia atque instituta gravia, eum in finem excogitata, ut peccato pungente haberent, unde solarium reportarent. Insufficientia hæc omnia esse demonstravimus; quod tamen nullæ circumstantiæ, nullæ immaginations, valeant hominem a perverso justitiæ studio, intimis cordis recessibus naturaliter infixo, nec non a superstitione, ibidem quoque latente revocare, nulli dubitamus contendere.

§. VII.

Forte vero quis existimaverit, posse Ethnicum hunc in modum argumentari: cum homines natura ita sint comparati, ut non dedignantur certis sub condicione

conditionibus gratosos se præbere; nonne exinde aliqua mihi affulgeat spes, eandem gratiam apud Deum T. O. M. consequendi? Ast ad id velim attendatur, quod homo rationis militans armis, illam ipsam conditionem requisitam, quantum fieri possit, se impleuisse credat, virtutis exercitio, nec non observantia rituum jam jam commemoratorum, quibus nullo non tempore vacat, ad Religionis cui addicctus est præscriptum. Variis quidem ex documentis videt Ethnicus cœleste numen nondum paternum animum exisse, sed quam særissime benevolum se quoque præstare erga eum, qui omnia Divina, pariter ac humana jura, scelere nefario polluerat; ast hinc tantum argumentum pro immortalitate animalium sumit; nam cum intelligat Deum oriri facere solem, super malos pariter ac bones, immo religiosum heic aliquando tristiorum traducere vitam, quam seeleratissimum quemque; hinc concludit animas bonorum cum e corporibus excederint, in cœlum quasi in domicilium suum per venturas, ibique semper eterno fruituras ævo, cum e contrario eos qui non virtute duce, quamquam haud raro comite fortuna, curriculum vitae absolverint, ad atra Proserpinæ atria relegat. Hisce ita demonstratis, variæ jam ex mente hominis revelatione destituti adesse possunt rationes, quibus permotus credat Deum esse longanimum, etiam erga homines flagitiis contraminatissimos, & omni scelere cooperatos, quarum haud ultimum occupat locum, quod fieri possit ut Deus osor exitii creaturæ suæ nobilissimæ, expectet

aut tndem pœnitentiam eum malefactorum, atque sic cum superis reconciliatus, quod reliquum est vitæ, sanæ rationis dictamini convenienter traducat. Reste omnino se haberet argumentum exinde petitum, quod homini Deus non indidisset desiderium felicitatis, si fieri nulla ratione posset, ut voti sui compos evaderet; nisi experientia constaret miseris mortales communiter nubem pro junone amplecti, h. e. bonum apparet pro vero bono arripere, eoque delectari. Non tamen ignoror nonnullos ethnicorum calculos rectius subducentium, in fruitione ipsius Dei, summum bonum collocasse. Ast eheu quantis tenebris obducta sit ratio humana heic vides: namque existimarent se virtutis semitam incedentes, jam quoad partem Divinum favorem atque amicitiam sibi acquisivisse; arctius vero cum Deo consortium, quod hujns vitæ statui repugnare videbant, post mortem ab omni peccati macula purgati, se consecuturos non solum sperabant verum quoque confidebant. Neque vero hoc ipso quidquam quod indignum esset ethnico ne quidem moratissimo commiserunt; recta namque ratio dictitat nec expetendam, nec expectandam in hac vita beatitudinem omnibus numeris perfectam. Hinc quale pretium, arguento ex desiderio felicitatis sumto, statuere debemus apparet; nempe eo ipso quidem eleganter monstrari, animam esse mori nesciam, nunquam vero evinci, existere viam cum Deo in gratiam redeundi.

